

# RAPPORT ANNUAL 2021



Societat Ovra electrica  
Lumbrein

19  79







# Invitaziun alla 12avla radunonza generala

Preziadas commembras e preziai commembers

Bugen envidein nus vus a nossa radunonza generala. Quella ha liug il venderdis, ils 3 da zercladur 2022, en la Casa d'Angel a Lumbrein. La radunonza generala entscheiva allas 20.00 uras. Suenter la radunonza offerescha la SOEL in apero. Sin mintga commembra e mintga commember che prenda part alla radunonza generala spetga sco usitau ina pintga sorpresa.

## ■ Tractandas

1. Beinvegni
2. Elecziun da dumbravuschs
3. Prelecziun dil protocol dalla radunonza generala ordinaria dils 20 d'uost 2021
4. Rapport da gestiun:
  - a. Rapport annual
  - b. Presentaziun dil quen annual
5. Rapport da revisiun
6. Approbaziuns:
  - a. dil quen annual
  - b. dall'utilisaziun dil gudogn
  - c. dar scarica all'administraziun
7. Varia

Sch'ina commembra ni in commember sa buca prender part alla radunonza generala, ha el la pusseivladad da schar substituir tenor art. 12 dallas statutas. Cun agid d'ina plenipotenza en scret sa in societari seschar substituir entras in confamigliar ch'ei habels d'agir e che viva ella medema casa ni entras in auter commember dalla societad. Quella plenipotenza ei da prender cun e mussar avon alla radunonza generala.

Lumbrein, avrel 2022

Administraziun SOEL



## Rapport dils presidents

### ■ 2021 – Schanaus Sut

Era igl onn 2021 ei ditg staus dominaus dalla pandemia. Sin il menaschi e sin las finanzas dalla SOEL ha la pandemia vinavon buca giu in'influenza essenziala. Cun quei ch'il turissem ed era il mistregn local han giu in bien svilup dapi la pandemia, ei igl effect en tendenza staus positivs per la SOEL.

### Implont hidraulic Schanaus Sut

Duront igl onn vargau ei la suprastanza sefatschentada cun la sanaziun totala digl implont hidraulic Schanaus Sut. Marcus Alig dalla fatschenta Pini Gruppe AG ha fatg la planisaziun e la submitziun dallas lavurs per la sanaziun totala. Igl implont hidraulic Schanaus Sut sauda alla vischnaunca Lumnezia. Cun quei che la summa da sanaziun survarga la summa da 150 000 CHF, sto la radunanza communal da la vischnaunca prender la decisiun finala per la sanaziun.

Enteifer il process havein nus era fatg sclariments cun igl uffeci cantunal d'energia e da traffic. Igl onn 2013 ha la Regenza decretau, ch'igl implont da Schanaus Sut stoppi buca exequir ina sanaziun dall'aua restonta. Ord quei motiv essan nus ir da quei anora, che la sanaziun seigi mo ina formalidad. Il 2019 ha ei denton para dau ina decisiun dil Tribunal federal che pretenda era tier concessiuns nunlimitadas – sco igl ei il cass tier igl implont a Schanaus Sut – ina nova concessiun ed aschia era ina sanaziun dall'aua restonta. Ussa essan nus vida sclarir giu, tgei che consequenzas concretas che quella decisiun dil Tribunal federal ha per igl implont Schanaus Sut.

### Gi da strategia 2021

La suprastanza ed ils revisurs dalla SOEL han menau atras il november 2021 in gi da strategia. Quella gada ei il tema staus pli vasts ed ord perspectiva digl utschi. Fadri Ramming, il secretari general dalla conferenza guvernamentala dils cantuns da muntogna, ha teniu in referat. El ei ius en sin las tendenzas politicas internaziunalas e naziunalas sil sector d'energia, sco era sin las consequenzas concretas per la SOEL ord la strategia d'energia 2050 dalla confederaziun. Igl ei semussau, che las finamiras dalla strategia d'energia 2050 creschan in conflict da finamira denter dapli producziun schubra ed indigena d'ina vart, ed il schurmetg dil ambient dall'otra vart. La confederaziun vegn a stuer dar ils proxims onns ina risposta sin quei conflict e metter las prioritads da niev. Omisdus ei buca pusseivel.



Era nossa problematica cun igl implont hidraulic Schanaus Sut muossa che la direcziun actuala ei buca la dretga. Il medem vala per il project dallas Ovras electricas Zervreila (OEZ). Dapi in decenni blocheschan las organisaziuns digl ambient il project cun tuts mieds avon dertgira. Ludar l'energia regenerabla ord l'aua e da l'otra vart sedefender cun peis e mauns encunter novs projects, quei va buca a prau.

### **Cumpra d'electricidad**

Era sin igl onn 2021 ein nossas tarifas buca semidadas. Enteifer igl onn 2021 havein nus serrau giu la cumpra d'electricidad per igl onn 2022 ed entschiet a cumprar en per igl onn 2023 cun il sistem da pool tier la Rhienergie. Cheu la survesta dil svilup da nos prezis da cumpra:

2014: 10,1 raps per kwu (Repower)  
2015: 6,2 raps per kwu (Axp Hydro Surselva)  
2016: 6,3 raps per kwu (Axp Hydro Surselva)  
2017: 6,5 raps per kwu (Axp Hydro Surselva)  
2018: 4,4 raps per kwu (Rhienergie)  
2019: 4,9 raps per kwu (Rhienergie)  
2020: 6,4 raps per kwu (Rhienergie)  
2021: 6,1 raps per kwu (Rhienergie)  
2022: 6,8 raps per kwu (Rhienergie)  
2023: 11,2 raps per kwu (Rhienergie; aunc buca cumprau en tut)

Impurtont ei da saver ch'il sistem da pool dalla Rhienergie ei buca in garant per prezis bass. Quei sistem garantescha suletamein che nus havein alla fin digl onn in prezi da media, pia in prezi da marcau.

Ina differenza da 1,0 raps per kwu dil prezi da cumpra ha ina influenza da rodund 20000 CHF sin nos cuosts da cumpra. Dapi miez 2021 han ils prezis sil marcau d'electricidad entschiet a sesalzar massivamein. L'entschatta pervia dalla scartezia da resursas ed ils prezis pli aults per ils certficats da CO<sup>2</sup>. Silsunter pervia dall'uiara ell'Ucraina. La SOEL vegn a perseguitar vinavon il svilup sil marcau, Sch'ils prezis aults ein buca mo da durada cuorta, mobein stattan aults sur pli liung temps, lu resta ei nuot auter alla SOEL che d'alzar las tarifas d'electricidad.



## ■ Consum d'electricitad

Igl onn 2021 ei vegniu consumau en igl intschess dalla Societad Ovra electrica Lumbrein 3,855 gwu (cun las sperditas 4,124 gwu). Quei ei en cumparegliazion cun igl onn avon in alzament da 236 000 kwu ni 6,5%. L'atgna producziun ei cun 1,383 gwu (2021) sin in fetg bass level, aschi bass sco darar ils davos onns. In minus da 16,5% enviers il 2020. Quei fatg ei d'attribuir ad il generatur ch'ei staus 36 gis ord funcziun ed in fetg schetg atun. Igl implont fotovoltaic ha giu sur igl entir onn ora cun 37 844 kwu 16,5% pli pauc producziun ch'igl onn 2020. La cumpra d'energia dalla Rhienergie ei entras la bassa atgna producziun ed il pli ault consum sesalzada sin 2,504 gwu (2021) – in augment da 29,9% enviers igl onn 2020 (1,928 gwu). La suandonta grafica muossa aunc inagada schematicamein las cefras.

onn	2021	2020	Midada en %
consum total	3,855 gwu	3,619 gwu	+ 6,5%
atgna producziun	1,383 gwu	1,657 gwu	- 16,5%
implont hidraulic	1,345 gwu	1,612 gwu	- 16,6%
implont fotovoltaic	37 844 kwu	45 311 kwu	- 16,5%
cumpra Rhienergie	2,504 gwu	1,928 gwu	+ 29,9%
cumpra KEV e solar	0,111 gwu	0,117 gwu	- 5,1%



## ■ Tecnica e menaschi

Igl onn 2021 han ils suandonts projects confrontau il menaschi dall'ovra:

### **Centrala Schanaus Sut**

La problematica ch'ei semussada cun la plansaziun dalla sanaziun totala ei gia descretta avon.

### **Transformatur a Nussaus**

Igl onn 2021 havein retschert la lubientscha per baghegiar la nova staziun da trafo a Nussaus. Nus havein purtau las formalitads el cudisch funsil ed empustau tut il material, aschia che nus savein menar atras quella lavur la stad 2022.

### **Donns tschaffadas**

La tschaffada principala havein mess en uorden igl onn 2021. La tschaffada ella Val Dado vegnin a metter en uorden egl onn 2022.

### **Via cantunala tras Lumbrein**

Il cantun ei vid planisar ina sanaziun cumpletta dalla via cantunala tras Lumbrein. Aschia essan era nus vid planisar las adattaziuns necessarias e vid mirar nua ch'ei fa senn da metter en bischels novs en via.

Buca d'emblidar ei la lavur da pichet, nua che nos luvriers ein contonschibels 24 uras a di e ston en cass d'urgenza ir da tutt'aura a mirar la situaziun e puspei metter tut en funcziun, per che nus hagian aschi spert sco pusseivel puspei electricitad en casa. A nos luvriers sauda in special engraziament per lur grondiusa lavur durant igl entir onn. Els ein ils garants che noss'ovra funcziunescha e che l'electricitad flessegia bunamein adina e cun fetg aulta segirtad.

En cass dad interrupziuns buca planisadas eis ei clar a tuts pertuccai dalla SOEL che quei ei fetg malenperneivel. Nos luvriers fan adina era tut il pusseivel da metter en funcziun la reit aschi spert sco pusseivel. Tuttina sperein vinavon sin vossa capientscha e nus vegin era vinavon a semetter en per che quei capetti schi pauc sco pusseivel. Denton evitar dil tuttafatg savein era nus buca quei.



## ■ Quen annual

Il quen annual 2021 dall'ovra ei legreibels. Sut il streh resulta in gudogn da 36 761 CHF.

Influenzau il quen 2021 han oravontut ils suandonts puncts:

- Dapi l'enschatta 2018 furnescha la Rhienergie l'electricidad a nus. Enteifer la reit essan nus colligiai cun la Repower. Ils cuosts dalla reit dalla Repower ein uonn sesalzai per 0,6% en cefras absolutas, schegie ch'il consum ei sesalzaus uonn per 6,5%. Era ils cuosts per kwu ein sesminui per 5,6%. Ils cuosts da cumpra dalla Rhienergie, KEV e solar per kwu ein sesbassai per 6,3% per kwu – cun quei che nies prezi da cumpra ei staus il 2021 lev pli bass ch'igl onn 2020. Nus havein cumprau en 27,9% pli bia ch'igl onn 2020, il prezi pli bass da cumpra ha denton menau mo tier in alzament da 19,7% dalla cefra absoluta da cumpra.

Cumpra Rhienergie/Repower	2021	2020	Midada en %
cuosts reit en CHF	177 000	176 000	+ 0,6%
cuosts reit per kwu	4,59 raps	4,86 raps	- 5,6%
consum total	3,855 gwu	3,619 gwu	+ 6,5%
cuosts electricidad en CHF	170 000	142 000	+ 19,7%
cuosts electricidad per kwu	6,50 raps	6,94 raps	- 6,3%
cumpra Rhienergie, KEV e solar	2,615 gwu	2,045 gwu	+ 27,9%

- Il consum ei carschius per 6.5%. Nossas entradas ord vendita d'electricidad e dalla reit (excl taxa da basa) ein denton sesalzaudas per 9.8%. Quei vegn a scher vid ils termins da leger giu, che san svariari las entradas.
- Per l'emprema gada havein nus stuiu cumprar en HKN (Herkunftsnachweise) per ademplier las leschas. Igl ei buca pli lubiu da musсар ora electricidad nundefinada. Aschia essan nus stai sfurzai da cumprar HKN per la part che nus cumprein en dalla Rhienergie. La summa da rodund 13000 CHF ei stada retrospectiv per dus onns, 2019 e 2020.
- Il 2021 havein nus fatg ina runda dubla dallas controllas d'installaziun. Aschia ein ils cuosts era stai extraordinari aults cun rodund 13000 CHF.



- Las amortisaziuns ordinarias dalla reit havein nus vinavon saviu tener sil nivel da 3,5% dalla valeta cudischada. La finamira ei da tener quei nivel ed egl avegnir alzar enviers 5,0%. Lez ei tenor nies manegiar in nivel sanadeivel.

L'ovra electrica ha mussau ora igl onn 2021 investiziuns ell'altezia da 6000 CHF. La facultad en circulaziun sunter haver tratg giu las obligaziuns a cuorta vesta e la reserva per Schanaus Sut ei carschida da 1 353 000 CHF (2020) per 105 000 CHF sin 1 458 000 CHF. Operativ ha l'ovra generau in cash-flow positiv da ca. 130 000 CHF.

## ■ **Perspectiva**

**Pils onns 2022 / 2023 ein ils suandonts puncts el focus:**

### **Departement strategia e finanzas**

- Strategia per la liberalisaziun dil marcau
- Relaziun cun la vischnaunca Lumnezia
- Examinar pusseivladads da colloboraziun en differents secturs
- Planisaziun sanaziun totala implont hidraulic Schanaus Sut
- Project OEZ

### **Departement tecnica e menaschi**

- Implementar strategia dalla reit
- Adattaziun a novas leschas d'energia
- Planisaziun via cantunala Lumbrein
- Planisaziun renovaziun lingia tensiun aulta Mulin – S. Giusep
- Planisaziun sanaziun totala implont hidraulic Schanaus Sut

Il presidium, sco era la suprastanza han e vegnan era egl avegnir a sespruar da far lur pusseivel per manevrar l'ovra electrica Lumbrein aschi bein sco pusseivel el futur e saver porscher prezis favoreivels alla clientella.



### ■ Engraziament

Nus lessan engraziar a tuts nos consuments, a tuts nos luvriers, a las autoritads communalas, sco era als commembers dalla suprazionza dalla SOEL per la confidonza e sustegn demussau duront igl onn vargau. Nus sperein era sin il sustegn ed agid en ils onns proxims. Grond engraziament.

Lumbrein, avrel 2022

Gian Derungs, president  
Martin Capaul, vice-president







### ■ Bekannte Netzstörungen EW Lumbrein von 2014 bis 2021

Leitstelle Ilanz				
	StörBeginn	Beschreibung	Techn. Platz	Störungs BegZt
2014	20140507	16 kV FL TS Sut Curtgin – TS Morissen	REN-SU-FL03-0592	17:18:47
	20141105	TS Curtgin Claus 16 kV Abg. Lumbrein aus	REN-SU-TS10-0308	19:06:07
	20141106	TS Curtgin Claus 16 kV Abg. Lumbrein aus	REN-SU-TS10-0308	07:22:36
2015	20150706	16 kV Leitung Luven F329 – TS 329 Sasolas	REN-SU-KL03-0594	15:41:23
2016	20160306	60 kV Freileitung UW Ilanz – UW Tavanasa	REN-SU-FL06-1321	05:48:35
	20160408	TS Curtgin Claus 16 kV Abg. Lumbrein aus	REN-SU-TS10-0308	06:02:20
	20160427	Kontrolle TS Curtgin Claus in Vignogn	REN-SU-TS10-0308	13:16:10
	20160722	UW Ilanz Netzausfall	REN-SU-UW10-0011	15:33:35
	20160730	TS Curtgin Claus 16 kV Abg. Lumbrein aus	REN-SU-TS10-0308	17:19:35
2017	20170215	UW Ilanz, 16 kV Abg. Sut Curtgin	REN-SU-TS10-0308	09:48:00
	20170418	UW Ilanz, 16 kV Abg. Sut Curtgin	REN-SU-TS10-0308	22:45:00
2018	20180731	TS 340 Sut Curtgin, 16 kV Curoms aus	REN-SU-FL03-0590	13:02:32
2019	20190502	TS 306 Morissen Vitg, 16 kV Caglievers aus	REN-SU-TS10-306	08:00:32
	20190813	TS 340 Sut Curtgin, 16 kV Curoms aus	REN-SU-FL03-0590	13:14:10
2020	20200702	16 kV TS Palius – TS Curtgin Claus Aufl.	REN-SU-FL03-1048	17:58:00
	20201027	16 kV TS 340 Suot Curgins Morissen	REN-SU-FL03-0521	08:28:00
2021	20211207	16 kV UW Ilanz Abg. Suot Curgins Auslösung	REN-SU-TS10-0308	16:13:00

Hinweis:

Rückwirkung bedeutet, dass der Fehler für die Unterbrechung bei einem anderen Netzbetreiber liegt (Vor- oder Nachgelagert). Der Verursacher ist in der Spalte «Beschreibung der Ursache» angegeben.  
**Die geplanten Unterbrechungen sind nicht enthalten!**



#### Bekannte Netzstörungen EW Lumbrein von 2014 bis 2021

Störungsende	StörungsEndZt	Ausfall in Min	Meldung	ElCom Meldung	Beschreibung der Ursache	Details
07.05.2014	18:30:21	30	10011343	Andere	Unbekannt	
05.11.2014	19:17:16	0	10011638	Rückwirkung	Kurzschluss EW Lumbrein	Starker Schneefall
06.11.2014	08:32:41	0	10011639	Rückwirkung	Kurzschluss EW Lumbrein	Starker Schneefall
06.07.2015	17:30:41	4	10011928	Naturereignis	Vogel in Stationstrenner	
06.03.2016	06:07:35	19	10012171	Naturereignis	Baum in Freileitung	Starker Schneefall
08.04.2016	06:28:20	26	10012590	Rückwirkung	Kurzschluss EW Lumbrein	Starker Schneefall
27.04.2016	16:42:22	206	10012224	geplante Abschaltung	5-jährige Kontrolle	
22.07.2016	15:53:40	20	10012337	Rückwirkung	Kurzschluss Versorgung 220 kV	Blitzeinschlag
30.07.2016	18:06:37	47	10012356	Rückwirkung	Kurzschluss EW Lumbrein	Gewitter
15.02.2017	15:58:00	0	10012579	Rückwirkung	Erdschluss EW Lumbrein	Defektes Kabel in Vrin
19.04.2017	09:25:48	0	10012634	Rückwirkung	Erdschluss EW Lumbrein	Defektes Kabel in Vrin
31.07.2018	13:57:00	55	10013067	Naturereignis	Unbekannt	
02.05.2019	08:07:07	6	10013319	Andere	Schaden an Schaltanlage	Defekter Schaltkontakt
13.08.2019	14:04:05	50	10013420	Naturereignis	Vogel Freileitung berührt	kein Schaden
02.07.2020	19:24:00	86	10013596	Naturereignis	Blitzschlag	Gewitter
27.10.2020	09:36:00	68	10013708	Naturereignis	Scheeentladung	
07.12.2021	17:13:00	60		Betriebliche Ursache	Kabel Muffe verbrannt	zwischen TS Luven Sasolas und ST TR F329

## Quen annual 2021

### ■ Bilanza per ils 31 da december 2021

tuttas cefras en CHF

	31.12.2021	31.12.2020
<b>ACTIVA</b>	<b>4 250 276</b>	<b>4 195 064</b>

#### FACULTAD EN CIRCULAZIUN

Mieds liquids	1 371 695	1 266 084
Dabiens/Debiturs	518 675	486 892

#### INVESTIZIUNS FACULTAD FINANZIALA

15 aczias Repower SA	1 995	1 485
2 aczias Rhienergie SA	6 420	5 500

#### BEINS MATERIALS

Reit da distribuziun (Mittelspannung)	425 681	441 120
Reit da distribuziun (Niederspannung)	1 160 229	1 202 310
Staziuns da trafo	256 497	263 170
Cabinas da reparaziun	135 694	139 600
Apparats ed indrezs	105 523	109 350
Plans da cataster Lumbrein e Vrin	90 063	93 330
Ulteriura infrastruttura/inventari	74 982	73 400
Implont fotovoltaic Alp Staviala Vedra	102 823	112 823

#### PASSIVA

	<b>4 250 276</b>	<b>4 195 064</b>
--	------------------	------------------

#### OBLIGAZIUNS

Obligaziuns/Crediturs	313 104	230 119
-----------------------	---------	---------

#### RESERVAS

Reserva taxas da colligiazion	134 136	149 016
Reserva renovaziun producziun Schanaus Sut	119 867	170 122

#### CAPITAL

Capital da participaziun (privats)	12 300	11 700
Capital da participaziun (vischnaunca)	3 420 000	3 420 000
Conto capital (gudogn/sperdita)	231 719	196 108
Reserva tenor lescha	19 150	18 000

	Quen 2021		Quen 2020	
	expensas	entradas	expensas	entradas
<b>DIEVER DALLA REIT</b>	<b>428 223</b>	<b>528 424</b>	<b>432 905</b>	<b>497 530</b>
Cuosts da personal	56 906		61 672	
Cumpra material	9 545		32 998	
Taxas da diever reit furniturs d'energia	176 560		176 117	
Manteniment reit	11 245		13 270	
Survetschs e honorars	14 838		1 417	
Amortisaziuns ordinarias	79 673		82 442	
Repartiziun interna Administraziun/Finanzas	79 456		64 989	
Taxas diever dalla reit		371 150		337 094
Tscheins per dumbraders		132 041		131 845
Prestaziuns e lavurs per tiarzs		25 077		26 917
Restituziuns ed ulteriuras entradas		157		1 673
<b>PRODUCZIUN E FURNIZIUN D'ENERGIA</b>	<b>453 872</b>	<b>390 431</b>	<b>401 984</b>	<b>360 202</b>
Cuosts da personal	15 164		16 025	
Cumpra material	0		0	
Cumpra d'energia per la vendita	162 769		135 231	
Cumpra d'energia solara	7 366		6 686	
Cumpra d'energia Schanaus Sut	20 169		24 183	
Cumpra HKN	12 949		0	
Manteniment	3 088		2 432	
Survetschs e honorars	851		10 990	
Systemdienstleistung (SDL)	6 922		5 790	
Mehrkostenfinanzierung (KEV)	94 246		83 222	
Contribuziun publica	39 786		36 069	
Amortisaziuns ordinarias	10 000		10 000	
Deposit renovaziun Schanaus Sut	30 000		30 000	
Repartiziun interna Administraziun/Finanzas	50 563		41 356	
Taxas vendita energia		236 747		216 342
Indemnisaziun energia solara		16 024		19 058
Systemdienstleistung (SDL)		6 366		5 772
Mehrkostenfinanzierung (KEV)		91 509		82 960
Contribuziun publica		39 786		36 069
Restituziuns ed ulteriuras entradas		0		0
<b>ADMINISTRAZIUN / FINANZAS</b>	<b>131 747</b>	<b>131 747</b>	<b>105 113</b>	<b>105 113</b>
Cuosts da personal	14 394		13 226	
Survetschs d'administraziun (canzlia)	28 000		27 141	
Cuosts biro	28 236		16 535	
Assicuranzas d'objects e maschinas	13 054		13 146	
Ulteriurs cuosts	19 117		11 556	
Contribuziuns ad instituziuns	5 726		4 731	
Amortisaziuns facultad finanziaria	-22		464	
Taglias	23 241		18 314	
Repartiziun interna Administraziun/Finanzas		130 018		106 345
Restituziuns ed ulteriuras entradas		1 728		-1 233
<b>Expensas totalas</b>	<b>1 013 841</b>		<b>940 002</b>	
<b>Entradas totalas</b>		<b>1 050 602</b>		<b>962 845</b>
<b>Resultat</b>	<b>36 761</b>		<b>22 842</b>	

### ■ Survesta dallas investiziuns ed amortisaziuns 2021

	activau ils	amortisaziuns	investiziuns	activau ils
	31-12-2020	2021	2021	31-12-2021
Reit da distribuziun (Mittelspannung)	441 120	15 439	0	425 681
Reit da distribuziun (Niederspannung)	1 202 310	42 081	0	1 160 229
Staziuns da trafo	263 170	9 303	2 630	256 497
Cabinas da reparaziun	139 600	4 922	1 015	135 694
Apparats ed indrezs	109 350	3 827	0	105 523
Plans da cataster Lumbrein e Vrin	93 330	3 267	0	90 063
Ulteriura infrastruttura/inventari	73 400	835	2 417	74 982
Implont fotovoltaic Alp Staviala Vedra	112 823	10 000	0	102 823
Taxas da colligiazion	-149 016	-22 879	-8 000	-134 136
	<b>2 286 087</b>	<b>66 794</b>	<b>-1 938</b>	<b>2 217 355</b>

### ■ Utilisaziun dil gudogn 2021

Conto capital (gudogn/sperdita) 01-01-2021	194 958
Gudogn 2021	36 761
<b>Total</b>	<b>231 719</b>
Attribuziun allas reservas	1 850
Attribuziun conto capital (gudogn/sperdita)	229 869
<b>Total</b>	<b>231 719</b>

## Rapport dalla cummissiun da quen e da gestiun SOEL 2021

Preziadas commembras dalla societad  
Preziai commembers dalla societad

Per il quen annual ei la suprastonza dalla Societad Ovra electrica Lumbrein (SOEL) responsabla. L'incumbensa dalla cummissiun da quen e da gestiun ei stau da controllar la contabilitad ed il quen annual (bilanza e quen da gudogn e sperdita) dalla SOEL per igl onn da gestiun ch'ei vegnius terminaus ils 31.12.2021.

Sin fundament da nossa revisiun che ha giu liug ils 14 d'avrel 2022 essan nus buc dai sin fatgs, ord ils quals nus stuessen trer la consideraziun, ch'il quen annual corrispundess buc alla lescha. Il quen 2021 ei menaus schuber e bein e muossa ora in bien gudogn da CHF 36'760.77.

Nus recumandein e proponin:

- D'approbar il quen annual 2021 dalla SOEL cun in gudogn da CHF 36'760.77
- Da dar scarica ad ils organs dalla societad

Nus engraziein alla suprastonza dalla societad ed ad ils luvrers per la lavur prestada.

Lumbrein, ils 19 d'avrel 2022

Cummissiun da quen e gestiun



Anton Gartmann



Gabriel Derungs





